

«БЕКІТЕМІН»

Қазақстан Республикасының Туризм және спорт
министрлігі Спорт және дене шынықтыру істері
комитетінің Төрағасы



Есеналин Р.Б.

«20» 03 2026 ж.

«КЕЛІСІЛДІ»

«Қазақстан Футбол Федерациясы»
«Қауымдастығы» ЗТБ
Бас хатшының міндетін атқарушы



Кеплин А.А.

«20» 03 2026 ж.

**2026 ЖЫЛҒЫ МАУСЫМДАҒЫ ФУТБОЛ КЛУБТАРЫНЫҢ ЖАСӨСПІРІМДЕР
КОМАНДАЛАРЫ АРАСЫНДАҒЫ ФУТБОЛДАН ҚАЗАҚСТАН РЕСПУБЛИКАСЫНЫҢ
КУБОГЫН ӨТКІЗУ ТУРАЛЫ
ЕРЕЖЕ**

Астана қ., 2026 жыл

1. ЖАРЫСТЫҢ АТАУЫ, ӨТКІЗУ КҮНІ МЕН ОРНЫ, ҚАТЫСУШЫЛАРДЫҢ КЕЛУ ЖӘНЕ КЕТУ КҮНІ

1.1. Жарыстың атауы: «2026 жылғы маусымдағы футбол клубтарының жасөспірімдер командалары арасындағы футболдан Қазақстан Республикасының Кубогы» (бұдан әрі мәтін бойынша – Жарыс).

1.2. Жарыстың мақсаттары мен міндеттері келесілер болып табылады:

- Қазақстан Республикасындағы балалар мен жасөспірімдер футболын дамыту;
- жасөспірімдер командаларының футбол клубтары ойыншыларының сапалы оқу-жаттығу үрдісін жүзеге асыру үшін Жарыстарды өткізудің жүйелілігін қамтамасыз ету;
- ойыншыларды оқыту және тәрбиелеу;
- футбол ортасында жыныстық белгісі, нәсілі, діни және ұлттық тиесілігі бойынша кемсітушілікке жол бермеуді қамтамасыз ету және оған бақылау жасау;
- команда ойыншыларының Жарысқа қатысуы үшін көзделген медициналық-санитарлық және антидопингтік талаптарды сақтауын қамтамасыз ету;
- Қазақстан Республикасының футбол жанкүйерлері, қоғам және бұқаралық ақпарат құралдары мен іскер топтар арасында насихаттау;
- жеңімпаздар мен финалистерді анықтау.

1.3. Жарысты жалпы ұйымдастыруды, өткізуді және оның өткізілуін бақылауды Қазақстан футбол федерациясы (бұдан әрі – ҚФФ) жүзеге асырады.

1.4. Жарыстарды тікелей ұйымдастыруды, өткізуді және басқаруды ҚФФ-ның балалар/жасөспірімдер және әйелдер футболы бойынша жарыстарды өткізу дирекциясы (бұдан әрі – БЖФД), ҚФФ-ның Элиталық жасөспірімдер футболы және таланттарды анықтау бөлімі (бұдан әрі – ЭЖФЖАТ бөлімі), сондай-ақ ҚФФ-ның төрешілік, инспекциялау және VAR-ды дамыту департаменті (бұдан әрі – ТжИД) жүзеге асырады. Аталған департамент Жарыстың әр кезеңі (туры) үшін төрешілер алқасын қалыптастырады. Төрешілер алқасының құрамына Жарыстың бас төрешісі, Жарыстың хатшысы, сондай-ақ жергілікті футбол федерациясының (қауымдастығының) төрешілер комитетінің төрағасы және/немесе оны таныстыратын өзге тұлға (бұдан әрі – ЖФФ) кіруі тиіс. Төрешілер алқасының құрамына сондай-ақ БЖФД, ЭЖФЖАТ бөлімі және ТжИД қызметкерлері де кіре алады.

Жарыс Қазақстан Республикасының футбол таланттарын анықтау және дамыту ұлттық жүйесінің бір бөлігі болып табылады, ол ЭЖФЖАТ бөлімі арқылы жүзеге асырылады. Жарыстың матчтары ЭЖФЖАТ бөлімі тарапынан жасөспірімдер ұлттық құрамаларына үміткерлердің ұлттық қорын қалыптастыру және жанарту мақсатында перспективті ойыншыларды бақылау, талдау және бағалау үшін ресми алаң ретінде қолданылады. ЭЖФЖАТ бөлімі Жарыстың матчтарын орталықтандырылған және өңірлік бақылау жүргізуге, соның ішінде ұлттық және өңірлік скауттарды тартуға, сондай-ақ матчтардың бейнематериалдарын аналитикалық және әдістемелік мақсаттарда пайдалануға құқылы.

1.5. Төрешілік қызметі Халықаралық футбол қауымдастықтары кеңесі (IFAB) бекіткен ағымдағы футбол ережелеріне сәйкес жүзеге асырылады.

1.6. Жарыстың әр турына бас төрешілер мен хатшыларды тағайындауды ҚФФ төрешілер комитеті жүзеге асырады. Жарыстың матчтарына төрешілерді тағайындауды ЖФФ төрешілер алқасы жүзеге асырады.

1.7. Жарыстың матчтарына бас төреші мен хатшы тағайындалады, сондай-ақ ҚФФ төрешілер комитеті аттестаттаған төрешілер де тағайындалады. Әр матчқа матч төрешілері, матч төрешісінің ассистенттері, сондай-ақ қажет болған жағдайда резервтік төреші тағайындалады.

1.8. Әрбір белгіленген тур басталар алдында Лиганың Бас төрешісі стадионның матчтарды өткізуге дайындығын тексеруге және анықталған бұзушылықтарды дереу жоюды талап етуге міндетті.

1.9. Әр белгілі бір тур аяқталғаннан кейін барлық қажетті құжаттар келесі күні почта арқылы тапсырыс хат ретінде мына мекенжайға жіберілуі тиіс: 010000, Астана қаласы, Бауыржан Момышұлы 5а, 2-қабат, 212 кабинет, Қазақстан футбол федерациясы, БЖФД. Сонымен қатар, әр Жарыс матчының толық толтырылған қорытынды протоколы электрондық түрде мына электрондық пошта мекенжайына жіберілуі тиіс: protocoldyf@kff.kz

Матч протоколдары мен есептердің көшірмелері ағымдағы маусым аяқталғанға дейін Жарыстың Бас төрешілерінде және/немесе хатшыларында сақталуы тиіс.

1.10. Жарысқа қатысушылардың сандық құрамы ҚФФ уәкілетті органының отырысында бекітіледі және 2013 жылы туғандардан үлкен емес жасөспірімдердің жас санатында өткізіледі

1.11. Жарыс екі кезеңнен тұрады: Алдын ала және Финалдық. Жарыстың өткізілу мерзімі: 2026 жылғы қыркүйек–қараша. Ойындар күнтізбесі, Жарыстың әрбір кезеңінің форматы, өткізілу күндері мен орындары әр кезеңге қатысушылардың сандық құрамы анықталғаннан кейін БЖФД тарапынан бекітіледі.

1.12. Жарыс матчтары «Футбол ойыны ережелерінің» колданыстағы редакциясына сәйкес өткізіледі. Матч хаттамасына ең көп дегенде 11 негізгі және 9 қосалқы ойыншы енгізілуі мүмкін Матч барысында хаттамаға енгізілген ойыншыларды 7 рет ауыстыруға рұқсат етіледі. Кері ауыстыруларға тыйым салынады. Матчтарды өткізуге арналған стандартты футбол алаңдарының өлшемі кемінде 100 м × 60 м, қақпаның өлшемі 7 м 32 см × 2 м 44 см, доптың өлшемі №5 болуы керек.

1.13. Жарыс матчының ұзақтығы 35 минуттан екі таймды құрайды, үзіліс – 10 минут.

Жарысты өткізу кезінде БЖФД спорттық нәтижеден гөрі ойыншыларды дамыту басымдылығын негізге алады. Жарыс бірінші кезекте оқу-жаттығу процесінің элементі және перспективалы ойыншыларды анықтау кезеңі ретінде қарастырылады. ЭЖФЖАТ бөлімі ойын уақытының теңгерімділігін, құрам ротациясын және ойыншылардың ұзақ мерзімді дамуын қамтамасыз етуге бағытталған әдістемелік ұсынымдарды әзірлеуге және клубтардың назарына жеткізуге құқылы.

1.14. Қазақстан Республикасындағы эпидемиологиялық жағдайға байланысты Жарыс матчтарын ұйымдастыру кезінде қосымша шарттар және/немесе шектеулер колданылуы мүмкін. Қосымша шарттардың және/немесе шектеулердің тізбесі осы Ереженің ажырамас бөлігі болып табылатын Қазақстан аумағында жарыстарды өткізу хаттамасында көрсетіледі

1.15. Осы Ережеде қарастырылмаған және Жарысты өткізу барысында туындауы мүмкін мән-жайлар бойынша шешімді БЖФД қабылдайды.

2. ҚАТЫСУШЫ ҰЙЫМДАР, СПОРТТЫҚ ЖАРЫСҚА ҚАТЫСУШЫЛАРДЫҢ САНДЫҚ ҚҰРАМЫ

2.1. Жарысқа 2026 жылғы маусымдағы «ҚФФ Жастар Чемпионаты» футбол бойынша ҚР Чемпионатына (1-ші Жасөспірімдер лигасы және 2-ші Жасөспірімдер лигасы) қатысқан, «ҚФФ ұйымдастыратын жарыстарға қатысу үшін Қазақстан Республикасының футбол клубтарын лицензиялау жөніндегі ережелердің» колданыстағы редакциясының талаптарына, сондай-ақ «Балалар-жасөспірімдер футбол құрылымдарын санаттау және лицензиялау бойынша ҚФФ регламентінің» колданыстағы редакциясының талаптарына сәйкес келетін және осы Ереженің талаптарын сақтайтын жасөспірімдер командалары ғана жіберіледі.

2.2. Жарыстың Алдын ала кезеңіне қатысушылардың сандық құрамы 16 командадан тұрады. Жарыстың Алдын ала кезеңінің Ойындар күнтізбесін жасау кезінде топтар командаларға 2026 жылғы маусымдағы футболдан «ҚФФ Жастар Чемпионаты» ҚР Чемпионатында иеленген орындарына сәйкес спорттық қағидат бойынша берілетін нөмірлерге қарай бөлінеді. Топтар келесідей бөлінеді: 1-ші Жасөспірімдер лигасының 12 командасына 2-ші Жасөспірімдер лигасында 1 – 4 орындарды иеленген 4 жасөспірімдер командасы қосылады (1-қосымшада). Бір немесе бірнеше команда Жарысқа қатысудан бас тартқан жағдайда, қатысу құқығы 2026 жылғы маусымдағы футболдан «ҚФФ Жастар Чемпионаты» ҚР Чемпионатының қорытынды турнирлік кестесінде келесі кезекте тұрған командаға (командаларға) беріледі.

2.3. Алдын ала кезеңде командалар әрқайсысында 4 командадан болатын төрт топқа бөлінеді. Әр топтағы ойындар бір айналым бойынша «әрқайсысы әрқайсысымен» қағидатымен өткізіледі. Финалдық кезеңге өз топтарында бірінші және екінші орын алған 8 команда шығады.

2.4. Финалдық кезеңде 8 команда әрқайсысында 4 командадан болатын «А» және «Б» атты 2 топқа бөлінеді және бір айналым бойынша «әрқайсысы әрқайсысымен» қағидатымен ойнайды.

Плей-офф кезеңінде, түйіспелі матчтарда «А» тобында 1-орын алған команда «Б» тобында 2-орын алған командамен, ал «Б» тобында 1-орын алған команда «А» тобында 2-орын алған командамен ойнайды.


Плей-офф жеңімпаздары ҚР Кубогы үшін финалдық матчта ойнайды.

Плей-офф кезеңінде жеңілген командалар 3-орын үшін матчта ойнайды.

«А» тобында 3-орын алған команда плей-офф кезеңінде «Б» тобында 4-орын алған командамен ойнайды. «Б» тобында 3-орын алған команда плей-офф кезеңінде «А» тобында 4-орын алған командамен ойнайды.

Плей-офф жеңімпаздары 5-орын үшін матчта ойнайды.

Плей-офф кезеңінде жеңілген командалар 7-орын үшін матчта ойнайды.



2.5. Жарысқа азаматтығын растайтын құжат (паспорт/жеке куәлік) негізінде Қазақстан Республикасының азаматтары болып табылатын ойыншылар қатысады. Жарысқа қатысу үшін «Ойыншылардың мәртебесі және ауысуы жөніндегі ҚФФ регламентінің» қолданыстағы редакциясының талаптарына сәйкес тіркеу рәсімінен өткен, Қазақстан Республикасының азаматтары болып табылмайтын ойыншылар мәлімдемеге енгізілуі мүмкін.

2.6. Жарыстың әрбір кезеңінде команданың сандық құрамы 20 ойыншыдан кем болмауы тиіс. Клуб командасының құрамына міндетті түрде кемінде екі жаттықтырушы, сондай-ақ команда дәрігері кіруі тиіс. Командада дәрігер болмаған жағдайда, жаттықтырушылардың бірінде алғашқы медициналық көмек көрсету бойынша медициналық курстардан өткені туралы сертификат болуы тиіс.

2.7. Жарысқа қатысу үшін командалар мәлімдеме парағына және матч хаттамасына 2012 жылғы 1 қазаннан кейін туған үлкен жас санатындағы ойыншыларды енгізе алады. (қоса алғанда).

Осы баптың ережелерін қолдану команданың спорттық нәтижесін күшейтуге емес, салыстырмалы жас әсерін өтеуге және ойыншылардың дамуы үшін тең жағдайлар жасауға бағытталған. Осы тетікті тек спорттық басымдыққа қол жеткізу мақсатында жүйелі түрде пайдалану анықталған жағдайда, ЭЖФЖАТ бөлімі клубқа тиісті әдістемелік ұсынымдар жіберуге құқылы.

Осы тармақта көзделген тетіктің жүйелі түрде пайдаланылуын анықтауды ЭЖФЖАТ бөлімі келесі индикаторлардың жиынтық бағалауы негізінде жүзеге асырады:

- аталған ойыншылардың ойын уақытының көлемі мен тұрақтылығы;
- олардың функционалдық рөлі және ойынның шешуші кезеңдерінде пайдаланылуы;
- маңыздылығы әртүрлі деңгейдегі матчтарда осы тетіктің жүйелі түрде қолданылуы;
- орташа жас тобымен салыстырғанда ойыншылардың физикалық даму контексті.

Аталған бағалау талдау және әдістемелік сипатта болады және спорттық немесе тәртіптік санкцияларды қолдану үшін негіз болып табылмайды.

2.8. Команда өкілдері матч басталудан 60 минут бұрын матчтың (электрондық) хаттамасына ойыншылардың тегі мен есімін, олардың ойын нөмірлерін көрсете отырып енгізуге міндетті. Жарысқа қатысушы әрбір ойыншының өзімен бірге жеке басын куәландыратын құжаты болуы міндетті. Жарыстың бас төрешісі және/немесе матч төрешісі тұлғасын растау үшін ойыншының (ойыншылардың) жеке куәлігін/паспортын талап етуге құқылы. Матч хаттамасына команданың бас жаттықтырушысы мен дәрігері қол қояды. Матч хаттамасын электрондық форматта міндетті түрде толтыру бойынша талаптар енгізілген жағдайда, БЖФД жасөспірімдер командаларының менеджерлеріне, Жарыстардың бас төрешілеріне және төрешілерге нұсқаулық беруді қамтамасыз етеді. Бұл жағдайда командалар матчтың электрондық хаттамасын алдын ала, бірақ матч басталудан кем дегенде 60 минут бұрын толтыруға міндетті.

2.9. Матч кезінде клубтың ресми тұлғалары арнайы бөлінген орындарда, техникалық аймақта болуы тиіс.

2.10. Жарысқа қатысу үшін командалар екі түрлі спорттық киім үлгісін мәлімдейді: негізгі және қосымша. Ойыншылардың футболкаларында өздері өкілдік ететін клубтың эмблемасы болуы тиіс. Футбол ойыны қағидаларына сәйкес ойыншылар матчтарды санқорғағышпен өткізуге міндетті.

2.11. Жарыстың белгілі бір турын ұйымдастырушы клуб әрбір матчтың онлайн-трансляциясын ойнап жатқан командалардың атауын, таймерді және есепті көрсете отырып (техникалық мүмкіндік болған жағдайда қауіпті сәттердің қайталануымен), KFF ZHASTAR YouTube-арнасында жүргізуге міндетті. Әрбір матчтың трансляциясы 720p-ден төмен емес рұқсатпен қамтамасыз етілуі тиіс. Тур аяқталған күннен бастап 3 күнтізбелік күн ішінде ұйымдастырушы клуб матчқа қатысқан командалардың жаттықтырушыларына бейнежазбаны (DVD форматында) ұсынуға міндетті. Түсірілім ракурсы футбол алаңының 2 айып алаңын толық қамтуды қамтамасыз етуі тиіс. Әрбір матчтың бейнежазбасында командалардың алаңға шыққанынан бастап, командалар мен төрешілер алаңнан кеткенге дейінгі бүкіл матч (соның ішінде ойын үзілген кездегі футбол алаңындағы және стадион трибуналарындағы қоғамдық тәртіпті бұзу жағдайлары) тіркелуі тиіс. Ұйымдастырушы клуб БЖФД және/немесе ЭЖФЖАТ бөлімінің және/немесе ТЖИД талабы бойынша матчтың бейнежазбасын ұсынуға міндетті.

Жарыс матчтарының бейнежазбаларын ҚФФ және оның құрылымдық бөлімшелері келесі мақсаттарда пайдалана алады:

- перспективті ойыншыларды анықтау және мониторинг жасау;
- командалардың дайындығына әдістемелік талдау жасау;



– жаттықтырушылар, төрешілер мен мамандарға арналған білім беру бағдарламалары;

– ҚФФ құрылымдық бөлімшелерінің құзыреті шеңберінде даулы және тәртіптік жағдайларды қарау.

2.12. Жарыстың белгілі бір турын ұйымдастырушы клуб ҚФФ-ның ресми интернет-ресурстарында жедел орналастыру үшін жауапты қызметкер арқылы әрбір матчтың ақпараттық сүйемелдеуін (фото, қысқа бейне жазбалар, ойыншылармен, жаттықтырушылармен қысқа сұхбаттар (флеш-сұхбаттар) және т.б.) қамтамасыз етуге міндетті.

2.13. Жарыстың барлық кезеңдеріне қатысатын қонақ клубтар келу күніне дейін 10 (он) күнтізбелік күннен кешіктірмей, жарысты ұйымдастырушы клубқа келу және кету күні мен уақытын, команда құрамының санын, сондай-ақ команда тоқтайтын орындарды хабарлауға міндетті. Ұйымдастырушы клуб Жарысты өткізу кезінде қонақ клубтарға командаларды орналастыру мәселесінде жәрдем көрсетуге міндетті. Егер қонақ клуб командасы ұйымдастырушы клубпен келісілген орыннан бөлек жерге орналасатын болса, онда қонақ клуб бұл факт туралы ұйымдастырушы клубты Жарыс кезеңі басталатын күнге дейін 10 (он) күнтізбелік күннен кешіктірмей жазбаша түрде хабардар етеді. Ұйымдастырушы клубқа уақытылы хабар берілмеген жағдайда, орналастыруға қатысты шағымдар қарауға қабылданбайды. Қонақ клубтың келу күні мен уақыты туралы хабарланбаған жағдайда, ұйымдастырушы клуб аталған клубты күтіп алу үшін көлік бермеуге құқылы.

2.14. Жарыстың әрбір кезеңінде ойындар күнтізбесін қалыптастыру кезінде - командалардың келу күні бастапқы күн ретінде көрсетіледі. Командалардың кету күні Жарыстың белгілі бір кезеңіндегі соңғы ойыннан кейінгі келесі күнге белгіленеді.

2.15. Егер командаларды Жарыстың белгілі бір турына/кезеңіне іссапарға жіберу кезінде жөнелту пунктiнен баратын қалаға дейінгі жол жүру уақыты 12 (он екі) сағаттан асатын болса, Клубтар команданың әуе көлігімен (ұшақпен) баруын қамтамасыз етуге міндетті.

2.16. Әуе немесе теміржол көлігімен қатынау мүмкіндігі болмаған жағдайда және автомобиль көлігімен жол жүруді ұйымдастыру қажет болған кезде, командалар Жарыстар өтетін елді мекенге дейін және кері бағытта бүкіл жол жүру уақытына сүйемелдеуді Қазақстан Республикасы Инвестициялар және даму министрінің міндетін атқарушының 2015 жылғы 26 наурыздағы № 349 бұйрығымен бекітілген «Автомобиль көлігімен жолаушылар мен багажды тасымалдау қағидаларының» 12-тарауының талаптарына сәйкес қамтамасыз етуге міндетті.

2.17. Барлық жас санаттарындағы командалардың орындары барлық кездесулерде және/немесе әрбір жас санатындағы Жарысты өткізу форматына сәйкес жекелеген әрбір кезеңде (турда) жиналған ұпайлардың ең көп саны бойынша анықталады. Жеңіс үшін – 3 ұпай, тең ойын үшін – 1 ұпай, жеңіліс үшін – 0 ұпай беріледі.

Екі немесе одан да көп команданың ұпайлары тең болған жағдайда, орындар келесідей анықталады:

- жеңістердің ең көп саны бойынша;
- өзара кездесулердің нәтижелері (ұпай саны, жеңістер саны, соғылған және жіберілген доптардың айырмасы, соғылған доптар саны);
- барлық матчтардағы соғылған және жіберілген доптардың ең жақсы айырмасы бойынша;
- барлық матчтардағы соғылған доптардың көп саны бойынша;
- матч хаттамасына енгізілген тәртіп бұзушылықтардың ең аз саны бойынша (ескерту – 1 айып ұпайы, алаңнан қуылу – 5 айып ұпайы).

Осы тармақта көрсетілген барлық көрсеткіштер басымдық ретімен берілген, яғни есептеу кезінде алдыңғы көрсеткішке басымдық беріледі.

Барлық көрсеткіштер толық тең болған жағдайда, командалардың орындары жеребе арқылы анықталады.

Егер плей-офф матчтарында, финалдық матчта және Жарыстың финалдық кезеңінің 3-ші, 5-ші және 7-ші орындары үшін матчтарда негізгі уақыт тең аяқталса, онда жеңімпаз «Футбол ойынының ережелерінің» қолданыстағы редакциясына сәйкес 11 метрлік белгіден соққылар сериясы арқылы анықталады.

2.18. БЖФД қатысушылардың сандық құрамы өзгерген жағдайда, сондай-ақ Жарыстың өткізілу сапасына әсер етуі мүмкін басқа да факторлар туындағанда, өткізу форматына, Ойын күнтізбесіне және Жарыс өткізілетін қалаларды белгілеуге өзгерістер енгізу құқығын өзіне қалдырады.

3. МЕДИЦИНА-САНИТАРЛЫҚ ЖӘНЕ АНТИДОПИНГТІК ҚАМТАМАСЫЗ ЕТУ

3.1. Медициналық-санитарлық талаптарды сақтау қажеттілігіне сәйкес, Жарыстың барлық қатысушылары барлық ойыншылардың тереңдетілген медициналық тексеруден (бұдан әрі – ТМТ) өтуін қамтамасыз етуге міндетті.

Жарысқа қатысу үшін өтінім науқанынан өту кезінде клубтар әрбір футболшыға ТМТ көшірмесін, жазатайым оқиғалардан сақтандыру туралы сақтандыру куәлігінің көшірмесін, сондай-ақ ағымдағы жылы ойыншыларды медициналық қарап-тексеруден өткізген медициналық мекеме дәрігерінің қолымен және мөрімен куәландырылған жүректің УДЗ көшірмесін ұсынуға міндетті.

3.2. Жарысты өткізу кезінде белгілі бір кезеңнің ұйымдастырушы клубы медициналық қызметкерлері және барлық қажетті реанимациялық жабдықтары (дефибриллятор мен өкпені жасанды желдету аппаратының болуы міндетті) бар жедел медициналық көмек машинасының (реанимобиль) болуын қамтамасыз етуге міндетті, ол матч басталғанға дейін 30 минут бұрын келуі және матч аяқталғанға дейін стадионнан кетпеуі тиіс.

3.3. Жарыстың белгілі бір кезеңінің ұйымдастырушы клубы қатысушыларға арнайы бөлінген орында болуы тиіс білікті медициналық қызметкердің (дәрігердің) қажетті алғашқы медициналық көмек көрсетуін қамтамасыз етуге міндетті. Аталған медициналық қызметкер Жарыста жүрген медициналық жедел жәрдем көлігіндегі дәрігердің міндеттерін бір мезгілде атқармауы тиіс.

3.4. Командалар Жарысқа қатысушылар үшін қарастырылған антидопингтік ережелерді сақтауға міндетті.

4. СПОРТТЫҚ ЖАРЫСТАРҒА ҚАТЫСУҒА ӨТІНІМ БЕРУ ТӘРТІБІ МЕН МЕРЗІМІ, ҚАРЖЫЛАНДЫРУ ШАРТТАРЫ

4.1. Футбол клубының атынан БЖФД-ға өтінім құжаттамасын ресімдеуге тек клуб менеджеріне және/немесе клубтың балалар мен жасөспірімдер футболын дамыту бағдарламасының жетекшісіне ғана рұқсат етіледі.

4.2. ҚФФ-ға ұқсас құжаттарды қайталап тапсыруды болдырмау мақсатында, Клуб бұрын ұсынылған құжаттардың заңды күшін растайтын кепілдік хат ұсына алады.

4.3. Өтінім құжаттамасын рәсімдеу кезінде келесі құжаттар ұсынылады:

- ҚФФ-ның қамқоршылық рөлін жазбаша растау және осы Ережені құрметтеу мен сақтау, сондай-ақ футбол клубының Жарысқа қатысуына қатысты ҚФФ-ның, оның құрылымдық бөлімшелерінің барлық талаптар мен нұсқауларды орындау міндеттемесі;

- белгіленген нысан бойынша 3 данада өтінім парағы; Өтінім парағына ойыншылардың шектеусіз санының тегі, сондай-ақ клубтың басшылық, жаттықтырушылар құрамы және команданың қызмет көрсетуші персоналы енгізіледі;

- ойыншыны клубқа қабылдау туралы бұйрықтың көшірмесі;

- жаттықтырушылар мен дәрігерді клубқа қабылдау туралы бұйрықтың көшірмесі;

- Жеке басын куәландыратын құжаттың электрондық көшірмесі. Қажет болған жағдайда, БЖФД құжаттың түпнұсқасын қосымша сұратуы мүмкін. Жарысқа қатысу үшін алғаш рет мәлімделетін футболшылар үшін, сондай-ақ құжаттың қолданылу мерзімі аяқталуына байланысты оны ауыстырған кезде, жеке басын куәландыратын құжаттың (паспорт/жеке куәлік) түпнұсқасын және басшының қолы қойылған, клуб мөрімен куәландырылған көшірмесін ұсыну міндетті;

- Әр ойыншыға арналған ТМТ көшірмесі

- Көшірмесі және футболшыларды жазатайым оқиғалардан сақтандыру бойынша сақтандыру түпнұсқасы).

- Футболшыларды жазатайым оқиғалардан сақтандыру куәлігінің көшірмесі;

- Өтінім парағына сәйкес әрбір футболшыға, жаттықтырушыға, клуб (команда) өкіліне, команда мамандарына арналған бір дана 3x4 см көлемдегі фотосурет (міндетті түрде клуб логотипі бар бірыңғай спорттық киімде);

4.4. Өтінім парақтарына клуб басшысы, ойыншыларды медициналық тексеруден өткізген медициналық мекеменің дәрігері қол қояды және тиісті мөрлермен куәландырылады.

Ескерту: өтінім парақтары ҚФФ логотиптері бар А4 форматында басылған түрде ресімдеуге қабылданады. Жарысқа қатысу үшін мәлімделген барлық ойыншылар БЖФД-да «KFF-connect» платформасында тіркеуден өтеді.

4.5. Клубтардың өтінім/қосымша өтінім құжаттамасын ресімдеу БЖФД қосымша анықтайтын және бекітетін кестеге сәйкес қашықтық режимде жүргізіледі. Өтінім құжаттамасын ресімдеу кестесін сақтамағаны үшін клубқа ҚФФ-ның Тәртіптік регламентіне сәйкес санкциялар қолданылады.

4.6. Ойыншыларды өтінімнен шығару, сондай-ақ басшылық пен жаттықтырушылар құрамындағы өзгерістер клуб басшысының ресми хаты негізінде тіркеледі.

4.7. Жарысқа қатысу үшін команданың өтінім парағына енгізілген ойыншылар бір спорттық маусым ішінде бір команда үшін екі рет мәлімделе алмайды.

4.8. БЖФД белгілеген нысан бойынша толтырылған команданың өтінім парағына шектеусіз мөлшердегі ойыншылардың тектері енгізіледі. Басшылық құрамының ең аз саны – екі адам. Өтінім парағын клуб басшысы, медициналық мекеме және тиісті аумақтық бірліктің ЖФФ куәландырады.

4.9. Қатысушы клубтар командалардың Жарысқа қатысуына байланысты барлық шығындарды өз мойнына алады.

4.10. Жарыстың белгілі бір туры өткізуші клуб-ұйымдастырушы автокөлік жалдау, Жарыс матчтары өткізілетін спорт ғимараттарын жалдау, сондай-ақ қызмет көрсетуші персоналдың жұмысы, оның ішінде жедел медициналық жәрдем машинасы, медицина қызметкерлері, бейнеоператорлар, қатысушы командалар тұратын жерлерде және Жарыс матчтары өткізілетін орындарда қоғамдық тәртіпті күзетуді қамтамасыз ету (әр матчты өткізу кезінде кемінде 5 қызметкер) және Жарыс матчтарын өткізуге байланысты өзге де шығындарды өз мойнына алады.

4.11. Жарысқа қатысушыларды марапаттау бойынша шығындарды, сондай-ақ басқа қаладан келген төрешілерді іссапарға жіберу және төрелік еткені үшін ақы төлеу шығындарын ҚФФ өз мойнына алады:

- Қатысушы командаларды, басқа қаладан келген Жарыстың бас төрешісі мен төрешілерді күтіп алу-шығарып салу үшін, сондай-ақ тұратын жерінен Жарыс матчтары өткізілетін спорт ғимараттарына дейін және кері қарай көлікпен қамтамасыз ету. Бұл ретте тұратын жерлері Жарыс матчтары өткізілетін қаланың/елді мекеннің шегінде болуы тиіс;

- Жарыстың бас төрешісіне интернетке қолжетімділік мүмкіндігін, сондай-ақ алдағы/өткен матчтың құжаттарын сканерлеу және басып шығару үшін, БЖФД және/или ТЖИД-ға жедел ақпарат беру мақсатында компьютер (ноутбук) мен принтер ұсыну;

- Төрешілер бөлмесінде сусындар мен жеміс-жидектердің болуын қамтамасыз ету;

- Ойын күні қатысушыларды бөтелкедегі ауыз сумен (бір бөтелкенің көлемі 0,5 литрден аспауы тиіс) бір командаға кемінде 20 литр мөлшерінде қамтамасыз ету;

- Қатысушы командалар тұратын жерлерде, сондай-ақ Жарыс матчтары өткізілетін орындарда қоғамдық тәртіптің сақталуын қамтамасыз ету (әр матчты өткізу кезінде кемінде 5 қызметкер болуы тиіс);

- Матчтарды өткізу үшін кемінде 3 дана мөлшерінде FIFA халықаралық стандарттарына сәйкес келетін доптарды ұсыну.

4.12. Жарысқа қатысушыларды марапаттау бойынша шығындарды, сондай-ақ басқа қаладан келген төрешілерді іссапарға жіберу және төрелік еткені үшін ақы төлеу шығындарын ҚФФ өз мойнына алады:

- Жарыстың Бас төрешісіне және төрешілерге (барлығы 6 адамнан аспайтын) Жарыс матчтары өткізілетін жерге дейін және қайту жолына ақы төлеу бойынша;

- Жарыс матчтары өткізілетін елді мекенде болған уақыт ішінде басқа қаладан келген Жарыстың Бас төрешісі мен төрешілердің (барлығы 6 адамнан аспайтын) тұруы және тамақтануы (оның ішінде жолдағы тәуліктік шығыстар) бойынша заңнамада көзделген нормаларға сәйкес;

4.13. Жарыс матчтарындағы сыйақы төлемдері келесі мөлшерлерде (әр матч үшін есептегенде) жүргізіледі:

- Жарыстың бас төрешісі – 12 000 (он екі мың) теңге;
- Жарыс хатшысы – 4 000 (төрт мың) теңге;
- Матчтың бас төрешісі – 12 000 (он сегіз мың) теңге;
- Төрешінің ассистенттері – 8 000 теңге (әрқайсысына).

5. СПОРТТЫҚ ЖАРЫСТЫҢ ЧЕМПИОНДАРЫ МЕН ЖҮЛДЕГЕРЛЕРІН МАРАПАТТАУ ТӘРТІБІ

5.1. Жарыста бірінші орын алған командаға – «2026 жылғы маусымдағы футбол клубтарының жасөспірімдер командалары арасындағы Қазақстан Республикасы Кубогының иегері» атағы беріледі. Команда дипломмен және естелік сыйлықпен, ойыншылар мен жаттықтырушылар – тиісті дәрежедегі дипломдармен және медальдармен марапатталады.

5.2. Жарыста екінші орын алған команда дипломмен, ал ойыншылар мен жаттықтырушылар тиісті дәрежедегі дипломдармен және медальдармен марапатталады.

5.3. Әр командадағы марапатталатын ойыншылар мен жаттықтырушылардың жалпы саны 35 адамнан аспауы тиіс.

6. НАРАЗЫЛЫҚ БЕРУ ТӘРТІБІ ЖӘНЕ ОЛАРДЫ ҚАРАУ

6.1. Наразылықтар ҚФФ жанындағы Бақылау, тәртіптік және әдеп комитетінің(бұдан әрі – ТБӘК) отырысында қаралады. Наразылық матч өткізу бөлігінде «Футбол ойыны қағидаларын» сақтамауға және/немесе осы Ереженің талаптарын бұзуға байланысты фактілерге (әрекеттерге немесе әрекетсіздікке) қатысты берілуі мүмкін.

6.2. Қарауға қабылданбайды:

- уақтылы берілмеген наразылықтар;
- матч хаттамасында тіркелмеген наразылықтар;
- төрешіліктің сапасына қатысты наразылықтар.

6.3. Наразылықтың мазмұнында шағым беруге негіз болған себептер, сондай-ақ осы Ережені бұзуға және/немесе «Футбол ойыны қағидаларын» сақтамауға байланысты мән-жайлар егжей-тегжейлі көрсетілуі тиіс.

6.4. Жаттықтырушы матч аяқталғаннан кейін бір сағаттан кешіктірмей наразылық беруге құқылы және бұл туралы жарыстың бас төрешісіне дереу хабарлауға міндетті. Наразылық беру фактісі (қысқаша мазмұны) матч хаттамасында көрсетіледі.

6.5. Қарсылас команданың өкілі наразылық берілгені туралы хабардар етілуі тиіс, бұл жөнінде матч хаттамасына тиісті жазба енгізіледі.


6.6. Жаттықтырушы қол қойған наразылықтың толық мазмұны бар өтініш матч аяқталған сәттен бастап 24- сағат ішінде БЖФД-ға электрондық пошта арқылы жіберілуі тиіс.

6.7. Наразылық барлық материалдар келіп түскен сәттен бастап 7 күннен кешіктірмей қаралады.

6.8. Наразылық беруге байланысты қажетті материалдарды клуб матч аяқталған күннен бастап күнтізбелік 5 күннен кешіктірмей немесе БЖФД-ның талабы бойынша 24 сағат ішінде ұсынуы тиіс.

6.9. Наразылықтың мазмұнын құрайтын мән-жайлар тиісті материалдармен расталуы тиіс, атап айтқанда: матч хаттамасындағы және жарыстың бас төрешісінің рапортындағы жазбалар, төрешілердің рапорттары және/немесе мән-жайларды объективті әрі толық зерделеуге ықпал ететін өзге де құжаттар.

6.10. Наразылық берген лауазымды тұлғалар наразылықта көрсетілген мәліметтердің дұрыстығы мен объективтілігі үшін жауапты болады. Егер наразылықта жалған, бұрмаланған мәліметтер болса, сондай-ақ матч хаттамасына наразылық беру туралы жазба енгізіліп, бірақ клуб ҚФФ-ға материалдарды жолдау бойынша бұдан былайғы қажетті әрекеттерді жасамаса, ТБӘК футбол клубына немесе наразылық берген тұлғаларға «ҚФФ Тәртіптік регламентіне» сәйкес санкциялар қолданады.



6.11. Жарысқа келген ойыншылардың мінез-құлқы үшін жауапкершілік клубтарға және/немесе жаттықтырушыларға, және/немесе команда өкілдеріне жүктеледі.

6.12. Ойыншы командалардың тәртіпсіз әрекеттері салдарынан матч үзіліп қалған жағдайда, кінәлі командаға Лиганың Төрешілер алқасының шешімімен 0-3 есебімен жеңіліс жазылады, ал қарсылас командаға 3-0 есебімен жеңіс беріледі.

6.13. Матчқа дәлелді себепсіз келмеген командаға төрешілер алқасының шешімімен 0-3 есебімен жеңіліс жазылады, ал қарсылас командаға 3-0 есебімен жеңіс беріледі. Матчқа дәлелді себепсіз екінші рет келмеген жағдайда, ТБӘК шешімімен кінәлі клубқа «ҚФФ Тәртіптік регламентіне» сәйкес санкциялар қолданылады.

6.14. Егер шығарылған Жарыс команда матчтардың жартысынан азын өткізсе, оның нәтижелері жойылады. Егер ол матчтардың жартысын немесе одан көбін өткізсе, аталған командаға қалған матчтарда 0-3 есебімен жеңіліс жазылады, ал қарсылас командаларға 3-0 есебімен жеңіс беріледі.

6.15. Белгіленген тәртіпте рәсімделмеген немесе дисквалификацияланған футболшыны матчқа қатыстырғаны үшін командаға төрешілер алқасының шешімімен 0-3 есебімен жеңіліс жазылады, ал қарсылас командаға 3-0 есебімен жеңіс беріледі.

6.16. Жарыс барысында екі ескерту алған ойыншы келесі бір ойынға автоматты түрде (шешім шығарусыз) шеттетіледі. Бір матчта 2 (екі) ескерту алған ойыншы мәселені ТБӘК отырысында қарауға шығармай-ақ, келесі бір ойынды автоматты түрде өткізіп алады.

6.17. Алаңнан қуылған ойыншы келесі бір матчты автоматты түрде өткізіп жібереді. Ойыншылар мен команданың ресми тұлғаларының матч хаттамасында төреші белгілеген барлық «тікелей» алаңнан қуылу жағдайлары Төрешілер алқасының қарауына жатады, ол бұзушыны «ҚФФ Тәртіптік регламентінде» көзделген матчтар санына шеттетуге құқылы. Төрешілер алқасы ТБӘК шешімі қабылданғанға дейін тәртіп бұзушыны уақытша шеттете алады. Төрешілер алқасы ТБӘК шешімі қабылданғанға дейін тәртіп бұзушыны уақытша шеттете алады. Сондай-ақ Жарыс барысында болған басқа да тәртіптік бұзушылықтар, соның ішінде команда ресми тұлғаларының (жаттықтырушылар мен команда өкілдерінің) әрекеттері ТБӘК отырысында қаралады.

6.18. Төрешілер алқасының барлық шешімдеріне шешім қабылданған күннен бастап 3 жұмыс күні ішінде, және/немесе қарастырылып отырған мәселе бойынша барлық қажетті материалдар келіп түскеннен кейін ТБӘК-ке шағым жасауға болады.

6.19. Осы Ереженің кез келген талабын орындамау немесе командалардың Жарыс матчтарына қатысудан бас тартуы ТБӘК отырысында қаралып, кінәлі клубқа ҚФФ Тәртіптік регламентіне сәйкес санкциялар қолдану мақсаты арқылы шешіледі.

ЖОБАЛАУ

2026 жылғы маусымдағы футбол клубтарының жасөспірімдер командалары арасындағы Қазақстан Республикасының Кубогы

Алдын ала кезең
(қыркүйек, 7 күн)

| 1-топ | 2-топ | 3-топ | 4-топ |
|------------------|------------------|------------------|------------------|
| 1. «ЖЛ1» | 2. «ЖЛ1» | 3. «ЖЛ1» | 4. «ЖЛ1» |
| 5. «ЖЛ1» | 6. «ЖЛ1» | 7. «ЖЛ1» | 8. «ЖЛ1» |
| 9. «ЖЛ1» | 10. «ЖЛ1» | 11. «ЖЛ1» | 12. «ЖЛ1» |
| 13. «ЖЛ2 4-орын | 14. «ЖЛ2 3-орын | 15. «ЖЛ2 2-орын | 16. «ЖЛ2 1-орын |
| белгіленген қала | белгіленген қала | белгіленген қала | белгіленген қала |

белгіленген қала
(қазан, 9 күн)

| Топ А | Топ Б |
|----------------------|----------------------|
| 1. «1-топтың 1-орны» | 1. «1-топтың 2-орны» |
| 2. «1-топтың 3-орны» | 2. «1-топтың 4-орны» |
| 3. «2-топтың 2-орны» | 3. «2-топтың 1-орны» |
| 4. «2-топтың 4-орны» | 4. «2-топтың 3-орны» |
| белгіленген қала | |

Финалдық кезең ойындарының күнтізбесі

1-күн командалардың келу күні

2-күн А тобы: 1-4, 2-3 Б тобы: 1-4, 2-3

3-Күн А тобы: 1-3, 2-4. Б тобы: 1-3, 2-4

4-күн командалардың демалыс күні

5-Күн А тобы: 1-2, 3-4. Б тобы: 1-2, 3-4

6-күн Плей-офф матчтары

7-күн командалардың демалыс күні

8-күн

7-ші, 5-ші, 3-ші және 1-ші орындар үшін матчтар. Марапаттау рәсімі

9-күн командалардың қайту күні